

eorum : fixerunt in ea tentoria in circuitu : pascet unusquisque eos , qui sub manu sua sunt.

4. Sanctificate super eam bellum : confurgite , & ascendamus in meridie : vā nobis , quia declinavit dies , quia longiores factæ sunt umbræ vesperi.

5. Surgite , & ascendamus in nocte , & dissipemus domos eius.

6. Quia hæc dicit Dominus exercituum : Cædite lignum eius , & fundite circa Ierusalem aggerem : hæc est civitas visitationis , omnis calumnia in medio eius.

7. Sicut frigidam fecit cisterna aquam suam , sic frigidam fecit malitiam suam : iniquitas & vastitas audietur in ea , coram me semper infirmitas & plaga.

8. Erudire Ierusalem , ne fortè recedat anima mea à te , ne fortè ponam te desertam terram inhabitabilem.

9. Hæc dicit Dominus exercituum : Usque ad racemum colligent quasi in vinea reliquias Israël : convertè manum tuam quasi vindemiator ad cartallum.

10. Cui loquar ? & quem contestabor ut audiat ? ecce incircumcisæ aures eorum , & audire non possunt : ecce verbum Domini factum est eis in opprobrium : & non suscipient illud.

11. Idcirco furore Domini plenus sum , laboravi sustinens : effunde super parvulum foris , & super consilium iuvenum simul : vir enim cum muliere capietur , senex cum pleno dierum.

12. Et transibunt domus eorum ad alteros , agri & uxores pariter : quia extendam manum meam super habitantes terram , dicit Dominus.

* Isai. 56. 11. Infr. 8.10. 13. * A minore quippe usque ad maiorem omnes avaritiæ student : & à propheta usque ad sacerdotem cuncti faciunt dolum.

14. Et curabant contritionem filia populi mei cum ignominia , dicentes : Pax , pax : & non erat pax.

15. Confusi sunt , quia abominationem fecerunt : quin potius confusione non sunt confusi , & erubescere nescierunt . quam ob rem cadent inter ruentes : in tempore visitationis suæ corruent , dicit Dominus.

16. Hæc dicit Dominus : State super vias , & videte , & interrogate de semitis antiquis , quæ sit via bona , & ambulate in ea : & invenietis refrigerium animabus vestris . Et dixerunt : Non ambulabimus .

* Matth. 11. 29. 17. Et constitui super vos speculatores . Audite vocem tubæ . Et dixerunt : Non audiemus .

18. Ideo audite Gentes , & cognosce congregatio , quanta ego faciam eis.

19. Audi terra : Ecce ego adducam mala super populum istum , fructum cogitationum eius : quia verba mea non audierunt , & legem meam proiecerunt.

20. * Ut quid mihi thus de Saba affertis , & calamum suave olentem de terra longinqua ? holocaustomata vestra non sunt accepta , & victimæ vestra non placuerunt mihi .

21. Propterea hæc dicit Dominus : Ecce ego dabo in populum istum ruinas , & ruent in eis patres & filii simul , vicinus , & proximus peribunt .

22. Hæc dicit Dominus : Ecce populus venit de terra Aquilonis , & gens magna confurget à finibus terræ .

23. Sagittam & scutum arripiet : crudelis est , & non miserebitur . vox eius quasi mare sonabit : & super equos ascendent , præparati quasi vir ad prælium , adversum te filia Sion .

24. Audivimus famam eius , dissolutæ sunt manus nostræ : tribulatio apprehendit nos , dolores ut parturientem .

25. Nolite exire ad agros , & in via ne ambuletis : quoniam gladius inimici pavor in circuitu .

26. Filia populi mei accingere cilicio , & conspergere cinere : luctum unigeniti fac tibi , planctum amarum , quia repente veniet vastator super nos .

27. Probatores dedi te in populo meo robustum : & scies , & probabis viam eorum .

28. Omnes isti principes declinantes , ambulantes fraudulentè , as & ferrum : universi corrupti sunt .

29. Defecit sufflatorium , in igne consumptum est plumbum , frustra conflavit confator : malitiæ enim eorum non sunt consumptæ .

30. Argentum reprobum vocate eos , quia Dominus proiecit illos .

CAPUT VII.

Quod frustra confidunt in templo , pessima perpetrantes , & prophetas audire nolentes , sicut & patres eorum : quapropter denunciatur templum abjiciendum , & terram Iuda redigendam in solitudinem ; nec profuturam orationem Ieremia pro illis , nec oblata ab eis sacrificia , propter excelsa Topheth in valle filij Ennom , & multiplices ipsorum malitias .

1. **V**erbum , quod factum est ad Ieremiam à Domino , dicens :

F E R . 5 .
P O S T
D O M . 3 .
Q U A D R .

2. Sta in porta domus Domini , & prædica ibi verbum istud , & dic : Audite verbum Domini omnis Iuda , qui ingredimini per portas has , ut adoretis Dominum .

3. Hæc dicit Dominus exercituum Deus Israël : * Bonas facite vias vestras , & studia vestra : & habitabo vobiscum in loco isto .

4. Nolite confidere in verbis mendacij , dicentes : Templum Domini , templum Domini , templum Domini est .

5. Quoniam si bene direxeritis vias vestras , & studia vestra : si feceritis iudicium inter virum & proximum eius ,

6. advenæ , & pupillo , & viduæ non feceritis calumniam , nec sanguinem innocentem effuderitis in loco hoc , & post deos alienos non ambulaveritis in malum vobismetipsis :

7. habitabo vobiscum in loco isto : in terra , quam dedi patribus vestris à sæculo & usque in sæculum .

8. Ecce vos confiditis vobis in sermonibus mendacij , qui non proderunt vobis :

9. furari , occidere , adulterari , iurare mendaciter , libare Baalim , & ire post deos alienos , quos ignoratis .

10. Et venistis , & stetitis coram me in domo hac , in qua invocatum est nomen meum , & dixistis : Liberati sumus ed quod fecerimus omnes abominationes istas .

* Matth. 21. 13. Marc. 11. 17. Luc. 19. 46. 11. * Numquid ergo spelunca latronum facta est domus ista , in qua invocatum est nomen meum in oculis vestris ? ego , ego sum : ego vidi , dicit Dominus .

12. Ite ad locum meum in Silo , ubi habitavit nomen meum à principio : & videte quæ fecerim ei propter malitiam populi mei Israël :

13. & nunc , quia fecistis omnia opera hæc , dicit Dominus : & locutus sum ad vos manè confurgens , & loquens , & non audistis : * & vocavi vos , & non respondistis :

* Prov. 1. 24. Isa. 65. 12. * 1. Reg. 4. 2. & 10. 14. * Faciam domui huic , in qua invocatum est nomen meum , & in qua vos habetis fiduciam : & loco , quem dedi vobis & patribus vestris , sicut feci Silo .

15. Et projiciam vos à facie mea , sicut projecit omnes fratres vestros , universum semen Ephraim .

* Infr. 11. 14. & 14. 11. 16. * Tu ergo noli orare pro populo hoc , nec assumes pro eis laudem & orationem , & non obstitas mihi : quia non exaudiam te .

17. Nonne vides quid isti faciunt in ci-

vitatibus Iuda , & in plateis Ierusalem ?

18. Filii colligunt ligna , & patres succendunt ignem , & mulieres conspergunt adipem , ut faciant placentas reginæ cæli , & libent diis alienis , & me ad iracundiam provocent .

19. Numquid me ad iracundiam provocant , dicit Dominus ? nonne semetipsos in confusionem vultus sui ?

20. Ideo hæc dicit Dominus Deus : Ecce furor meus , & indignatio mea conflatur super locum istum , super viros , & super iumenta , & super lignum regionis , & super fruges terræ , & succendetur , & non extinguetur .

21. Hæc dicit Dominus exercituum Deus Israël : Holocaustomata vestra addite victimis vestris , & comedite carnes .

22. Quia non sum locutus cum patribus vestris , & non præcepi eis in die , qua eduxi eos de Terra Ægypti , de verbo holocaustomatum , & victimarum .

23. Sed hoc verbum præcepi eis , dicens : Audite vocem meam , & ero vobis Deus , & vos eritis mihi populus : & ambulate in omni via , quam mandavi vobis , ut bene sit vobis .

24. Et non audierunt , nec inclinaverunt aurem suam : sed abierunt in voluntatibus , & in pravitate cordis sui mali : factique sunt retrorsum & non in ante ,

25. à die qua egressi sunt patres eorum de Terra Ægypti , usque ad diem hanc . Et misi ad vos omnes servos meos prophetas per diem , confurgens diluculo , & mittens .

26. Et non audierunt me , nec inclinaverunt aurem suam : sed induraverunt cervicem suam : * & peius operati sunt , quam patres eorum .

27. Et loqueris ad eos omnia verba hæc , & non audient te : & vocabis eos , & non respondebunt tibi .

28. Et dices ad eos : Hæc est gens , quæ non audivit vocem Domini Dei sui , nec recepit disciplinam : periit fides , & ablata est de ore eorum .

29. Tonde capillum tuum , & projice , & sume in directum planctum : quia proiecit Dominus , & reliquit generationem furoris sui ,

30. quia fecerunt filii Iuda malum in oculis meis , dicit Dominus . Posuerunt offendicula sua in domo , in qua invocatum est nomen meum , ut polluerent eam :

31. & ædificaverunt excelsa Topheth , quæ est in valle filij Ennom : ut incen-

derent filios suos, & filias suas igni: quæ non præcepi, nec cogitavi in corde meo.

32. Ideo ecce dies venient, dicit Dominus, & non dicetur amplius, Topheth, & Vallis filij Ennom: sed Vallis interfectionis: & sepelient in Topheth, eò quòd non sit locus.

33. Et erit morticinum populi huius in cibos volucris cæli, & bestiis terræ, & non erit qui abigat.

* Ezech. 26. 13. 34. * Et quiescere faciam de urbibus Iuda, & de plateis Ierusalem vocem gaudij, & vocem lætitiæ, vocem sponsi, & vocem sponsæ: in desolationem enim erit terra.

CAPUT VIII.

Quia tam reges, optimates, sacerdotes ac propheta, quam reliquus populus ad idololatriam conversi sunt; & non considerato Domini iudicio, omnes relicta veritate, studuerunt avaritia ac idololatria, & Dominum provocantes noluerunt respicere, ideo ab hostibus crudelissimis affligentur.

1. **I**n illo tempore, ait Dominus: Eijicient ossa regum Iuda, & ossa principum eius, & ossa sacerdotum, & ossa prophetarum, & ossa eorum, qui habitaverunt Ierusalem, de sepulchris suis:

2. & expandent ea ad solem, & lunam, & omnem militiam cæli, quæ dilexerunt, & quibus servierunt, & post quæ ambulaverunt, & quæ quæsierunt, & adoraverunt: non colligentur, & non sepelientur: in sterquilinum super faciem terræ erunt.

3. Et eligent magis mortem quam vitam omnes qui residui fuerint de cognatione hac pessima in universis locis, quæ derelicta sunt, ad quæ eieci eos, dicit Dominus exercituum.

4. Et dices ad eos: Hæc dicit Dominus: Numquid qui cadit, non resurget? & qui averfus est, non revertetur?

5. Quare ergo averfus est populus iste in Ierusalem aversione contentiosus? Apprehenderunt mendacium, & noluerunt reverti.

6. Attendi, & auscultavi: nemo quod bonum est loquitur, nullus est qui agat penitentiam super peccato suo, dicens: Quid feci? Omnes conversi sunt ad cursum suum, quasi equus impetu vadens ad prælium.

7. Milvus in cælo cognovit tempus suum: turtur, & hirundo, & ciconia custodierunt tempus adventus sui: popu-

lus autem meus non cognovit iudicium Domini.

8. Quomodo dicitis: Sapientes nos sumus, & lex Domini nobiscum est? verè mendacium operatus est stylus mendax scribarum.

9. Confusi sunt sapientes, perterriti & capti sunt: verbum enim Domini proiecerunt, & sapientia nulla est in eis.

10. * Propterea dabo mulieres eorum * Isai. 56. 11. Sup. 6. 13. exteris, agros eorum hæredibus: quia à minimo usque ad maximum omnes avaritiam sequuntur: à propheta usque ad sacerdotem cuncti faciunt mendacium.

11. Et fanabant contritionem filiarum populi mei ad ignominiam dicentes: * Pax, * Sup. 6. 14. pax: cum non esset pax.

12. Confusi sunt quia abominationem fecerunt: quinimò confusione non sunt confusi, & erubescere nescierunt: idcirco cadent inter corruentes, in tempore visitationis suæ corruent, dicit Dominus.

13. Congregans congregabo eos, ait Dominus: non est uva in vitibus, & non sunt ficus in ficulnea, folium defluxit: & dedi eis quæ prætergressa sunt.

14. Quare sedemus? convenite, & ingrediamur civitatem munitam, & fileamus ibi: quia Dominus Deus noster silere nos fecit, & potum dedit nobis * aquam * Inf. 9. 15. fellis: peccavimus enim Domino.

15. * Expectavimus pacem, & non erat bonum: tempus medelæ, & ecce formido. 19.

16. A Dan auditus est frémitus equorum eius, à voce hinnituum pugnatorum eius commota est omnis terra. & venerunt, & devoraverunt terram, & plenitudinem eius: urbem & habitatores eius.

17. Quia ecce ego mittam vobis serpentes regulos, quibus non est incantatio: & mordebunt vos, ait Dominus.

18. dolor meus super dolorem, in me cor meum mærens.

19. Ecce vox clamoris filiarum populi mei de terra longinqua: Numquid Dominus non est in Sion, aut rex eius non est in ea? Quare ergo me ad iracundiam concitaverunt in sculptilibus suis, & in vanitatibus alienis?

20. Transit messis, finita est æstas, & nos salvati non sumus.

21. Super contritionem filiarum populi mei contritus sum, & contristatus, stupor obtinuit me.

22. Numquid resina non est in Galaad? aut medicus non est ibi? quare igitur non est obducta cicatrix filiarum populi mei?

CA-

CAPUT IX.

Luget propheta interficiendos de Iudæa: in nullo dicit esse fidendum, cum omnes dolose incedant: & quia Iudæa vastanda est, vult omnes assumere luctum: in solo Deo eiusque cognitione gloriantur, qui puniet tam Gentiles quam filios Israël incircumcisos corde.

1. **Q**uis dabit capiti meo aquam, & oculis meis fontem lacrymarum? & plorabo die ac nocte interfectos filiarum populi mei.

2. Quis dabit me in solitudine diversorium viatorum, & derelinquam populum meum, & recedam ab eis? quia omnes adulteri sunt, cæcus prævaricatorum.

3. Et extenderunt linguam suam quasi arcum mendacij & non veritatis: confortati sunt in terra, quia de malo ad malum egressi sunt, & me non cognoverunt, dicit Dominus.

4. Unusquisque se à proximo suo custodiat, & in omni fratre suo non habeat fiduciam: quia omnis frater supplantans supplantabit, & omnis amicus fraudulenter incedet.

5. Et vir fratrem suum deridebit, & veritatem non loquentur: docuerunt enim linguam suam loqui mendacium: ut inique agerent, laboraverunt.

6. Habitatio tua in medio doli: in dolore renuerunt scire me, dicit Dominus.

7. Propterea hæc dicit Dominus exercituum: Ecce ego conflabo, & probabo eos: quid enim aliud faciam à facie filiarum populi mei?

* Psal. 27. 3. 8. * Sagitta vulnerans linguam eorum, dolum locuta est: in ore suo pacem cum amico suo loquitur, & occultè ponit ei insidias.

9. Numquid super his non visitabo, dicit Dominus? aut in gente huiusmodi non ulciscetur anima mea?

10. Super montes assumam fletum ac lamentum, & super speciosa deserti planctum: quoniam incensa sunt, eò quòd non sit vir pertransiens: & non audierunt vocem possidentis: à volucre cæli usque ad pecora transmigraverunt & recesserunt.

11. Et dabo Ierusalem in acervos arenæ, & cubilia draconum: & civitates Iuda dabo in desolationem, eò quòd non sit habitator.

12. Quis est vir sapiens, qui intelligat hoc, & ad quem verbum oris Domini fiat ut annunciet istud, quare perierit terra, & exusta sit quasi desertum, eò quòd non sit qui pertranseat?

13. Et dixit Dominus: Quia dereliquerunt legem meam, quam dedi eis, & non audierunt vocem meam, & non ambulaverunt in ea:

14. & abierunt post pravitatem cordis sui, & post Baalim: quod didicerunt à patribus suis.

15. Idcirco hæc dicit Dominus exercituum Deus Israël: * Ecce ego cibabo populum istum absinthio, & potum dabo eis aquam fellis. * Infr. 23. 15.

16. Et dispergam eos in Gentibus, quas non noverunt ipsi & patres eorum: & mittam post eos gladium, donec consumantur.

17. Hæc dicit Dominus exercituum Deus Israël: Contemplamini, & vocate lamentatrices & veniant: & ad eas, quæ sapientes sunt, mittite, & properent:

18. festinent, & assumant super nos lamentum: deducant oculi nostri lacrymas, & palpebræ nostræ defluant aquis.

19. Quia vox lamentationis audita est de Sion: Quomodo vastati sumus & confusi vehementer? quia dereliquimus terram, quoniam deiecta sunt tabernacula nostra.

20. Audite ergo mulieres verbum Domini: & assumant aures vestræ sermonem oris eius: & docete filias vestras lamentum: & unaquæque proximam suam planctum.

21. quia ascendit mors per fenestras nostras, ingressa est domos nostras, disperdere parvulos deforis, iuvenes de plateis.

22. Loquere: Hæc dicit Dominus: Et cadet morticinum hominis quasi stercus super faciem regionis, & quasi fenum post tergum metentis, & non est qui colligat.

23. Hæc dicit Dominus: * Non gloriatur sapiens in sapientia sua, & non gloriatur fortis in fortitudine sua, & non gloriatur dives in divitiis suis: * 1. Cor. 1. 31. 2. Cor. 10. 17.

24. sed in hoc gloriatur, qui gloriatur, scire & nosse me, quia ego sum Dominus, qui facio misericordiam, & iudicium, & iustitiam in terra: hæc enim placent mihi, ait Dominus.

25. Ecce dies veniunt, dicit Dominus:

&